

医学六要



苦酒湯

半夏

鷄子去黃



辛以散之，半夏之辛以發聲，甘以緩之，鷄子之甘以緩中，酸以收之，苦酒之酸以斂咽。磨右二味，內半夏著苦酒中，以鷄子殼置刀鐸中，安火上，令三服去滓，少含嚥之，不差更作。

三劑

少陰病，咽中痛，半夏散及湯主之。

甘草湯主少陰客熱，咽痛，桔梗湯主少陰寒。

熱咽痛半夏散及湯主少陰客寒咽痛也

半夏散及湯方

半夏 桂枝

內經曰寒淫所勝平以辛熱佐以甘苦半夏
桂枝之辛以散經寒甘草之甘以暖正氣

已上三味各別搗篩已合治之白飲和服方
寸七日三服若不能散服者以水一升煎七
沸內散兩方寸七更煎三沸下火令水冷少

少燕之

少陰病得之二三日口燥咽乾者急下之宜大承

承氣湯

少陰病自利清水色純青心下必痛口乾燥者

急下之宜大承氣湯

少陰病六七日腹脹不大便者急下之宜大承

氣湯

少陰病四逆其人或咳或悸或小便利或腹

中痛或泄利下重者四逆湯主之

通脈四逆湯



甘草

三兩

附子

大者一枚生用
去皮破八片

乾薑

二兩

可四兩

兩強人

右三味以水三升煮取一升二合去滓溫再

服

熱滯于內佐以甘辛以酸收之以苦發之枳
實甘草之甘苦以泄裏熱芍藥之酸以收陰
氣柴胡之苦以發表熱乃熱極發厥之四逆
也咳者加五味子乾薑各五分悸者加
桂枝五分小便不利加茯苓五分○腹中痛



者加附子

真中寒症

自利不渴者屬太陰以其臟有寒也當溫之宜服四逆

少陰病下利白通湯主之

白通湯

葱白 乾薑 附子

內經曰腎苦燥急食辛以潤之葱白之辛以通陽氣薑附之辛以散寒

少陰痢下利脉微者與白通湯利不止厥逆無
脉乾嘔煩者白通加猪膽汁湯主之服湯脉暴
出者死微續者生

下利脉微爲寒極陰勝陽衰用白通湯以復
陽消陰若乾嘔而煩是陰勝拒陽故加膽汁
人尿以從弟也脉暴出者燈乍暗而復明氣
游散而復來也故以微續者生

加人尿

鹹寒

猪膽汁

苦寒

內經曰若調寒熱之逆冷熱必刑則熱藥冷

服下、噎之後、冷體既消、熱性隨發、由是病氣
隨愈、嘔煩皆除、情且不違、而致大益、先煎葱
白、二味去滓、內朮及膽、相和溫服、

少陰病、二三日不已、至四五日、腹痛、小便不利、
四肢沉重疼痛、自下利者、此爲有水氣、其人或
欬、或嘔、或小便利、或下利、或嘔者、真武湯主之、
小便不利而瀉者、濕盛水穀不分也、濕盛則
濡泄、與真武湯益陽氣散寒濕、

真武湯

茯苓

芍藥

生薑

白朮

附子

脾惡濕甘先入脾茯苓白朮之甘以益脾
水寒淫所勝平以辛熱濕淫所勝佐以酸
附子芍藥生薑之酸辛以溫經散濕

少陰病身體痛手足寒骨節疼痛支冷脉沉者
附子湯主之若咳者加五味子細辛乾薑

小便利者去茯苓若下利者去芍藥加乾
薑嘔者去附子加生薑

少陰病下利清穀裏寒外熱手足厥逆脉微欲

絕身反不惡寒其人面赤或腹痛或乾嘔或咽痛或利止脉不出者通脉四逆湯主之

甘草

二兩

附子

大者一枚

乾薑三兩強人可四兩

水煮溫服脉微續者愈

面色赤加葱九莖腹中痛者去葱加芍藥二

兩嘔者加生薑二兩咽痛者去芍藥加

桔梗一兩利止脉不出者去桔梗加人參

二兩

少陰病下利六七日欬而嘔渴心煩不得眠者
猪苓湯主之

少陰病脉沉者急溫之宜四逆湯

少陰病飲食入口則吐心中溫溫欲吐復不能
吐始得之手足寒脉弦遲者此胸中實不可下
也當吐之若膈上東寒飲乾嘔者不可吐也急
溫之宜四逆湯

辨厥陰脉症并治

厥陰之爲病消渴氣上撞心中疼熱饑而不



飲食食則吐衄下之利不止

邪傳厥陰則熱已深矣傳至太陰則腹滿而
盛乾未成渴也邪至少陰者口燥舌乾而渴
未成消也至厥陰成消渴者熱甚能消水故
也飲水多而小便少者謂之消渴木生于火
肝氣通心厥陰客熱氣上撞心心中疼熱厥
陰受病爲傳經盡胃中有熱饑不欲食衄在
胃中無食則動聞食嗅而出得食吐衄此熱
在厥陰經也若便下之虛其胃氣厥陰木邪

相乘必吐下不止

厥陰中風脈微浮爲欲愈不浮爲未愈

陰病見陽脈者生

厥陰病欲解時從寅至卯上

厥陰病渴欲飲水者少少與之愈

諸四逆厥者不可下之虛家亦然

四逆者四肢不溫也厥者手足冷也

金匱玉函曰虛者十補勿一瀉也

傷寒先厥後發熱而利者必自止見厥復利

陰氣勝則厥逆而利陽氣復則發熱利必自



止復見厥則陰氣還勝而復利也

傷寒始發熱六日厥反九日而利凡厥利者當不能食今反能食者恐爲除中食以索餅不發熱者知胃氣尚在必愈恐暴熱來出而復去也後三日脉之其熱續在者期之旦日夜半愈所以然者本發熱六日厥反九日復發熱三日并前六日亦爲九日與厥相應故期之旦日夜半愈後三日脉之而脉數其熱不罷者此爲熱氣有餘必發癰膿也

始發熱邪在表也至六日傳厥陰熱深發厥
至九日當不能食反能食恐爲除中謂中氣
除去也胃虛飲食自救多死試以索餅若胃
氣絕得麪則必發熱若不發熱者胃氣尚在
也乃熱能消穀必愈

金匱要略曰病人素不能食而反暴思之必
發熱後三日脉之其熱續在者陽氣勝也期
之旦日夜半愈若不愈後二日脉數而熱不
罷者爲熱氣有餘必發癰膿

經曰脉數不時則生惡瘡

傷寒脉遲六七日而反與黃芩湯徹其熱脉遲
爲寒今與黃芩湯復除其熱腹中應冷當不能
食今反能食此名除中必死

傷寒先厥後發熱下利必自止而反汗出咽中
痛者其喉爲痺發熱無汗而利必自止若不止
必便膿血便膿血者其喉不痺

邪熱上攻則喉痺邪熱下迫則便膿血

傷寒一二日至四五日而厥者必發熱前熱者



後必厥厥深者熱亦深厥微者熱亦微厥應下
之而反發汗者必口傷爛赤

熱極發厥當下以泄之反發其汗引熱上行
則口傷爛赤內經曰火氣內發上爲口糜

傷寒病厥五日熱亦五日設六日當復厥不厥
者自愈厥終不過五日以熱五日故知自愈
凡厥者陰陽不相順接便爲厥厥者手足逆冷
是也

傷寒脉微而厥至七八日膚冷其人躁無暫安

